



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五三

梅谿文集六卷 方都泰撰

澹寧齋詩草不分卷 阿爾裨撰

虞圃山人文集十卷虞圃山人詩集八卷 吳甫撰

一

一二五

二九九

序

余勞人也舍鳩城而棲白門復馳驅魯燕趙之郊
鹿鹿浮生風塵半世今冬杪以展墓旋里適梅谿方
先生出所著古文詞問世命叙于余余僂然曰余烏
能序先生之文哉先生之文又寧藉予序哉
冬家姪退思以公車至燕邸郵寄先生尺素并惠教
孔門出妻辯一帙予讀之議論透闢引據精詳詞聖
門不白之疑破千古雷同之案洵天壤間至文也已
未春南歸道經闕里訪至聖先師
梅谿文集 阮序

公昔受經于余相與懽欣道故余曰聖門有一大疑
案三千年未經人道破者近爲吾鄉方梅谿先生上
下千古傳綜萃說爰著孔門出妻一辯爲聖祖一
大功臣聖公急請讀之驚嘆叫絕曰自檀弓傳疑而
後名賢大儒從無有駁其疑正其謬者今何幸而有
斯人得有斯文不獨予小子景仰無斂卽我聖祖
在天之靈亦式憑之矣隨以卷帙發奎文閣典籍員
珍藏故府俟增入闕里誌又命鐫石于大成殿以垂
不朽曲邑世尹孔鎮浮先生捧讀嘆曰此大

緯地之文未可作尋常撰述觀也一時聖裔中如海
若洪清建章超宗廷珍三鉉東堂景昌爰咨丕顯敷
五莠垣彛仲垣三暨新令緘三諸公皆典型風望風
雅名流莫不互相稱頌各手錄一卷寶如璫璧焉聖
公復詳諄向予詢先生狀予告曰此吾鄉尊宿諸生
祭酒牛耳鵷壇同人所北面而事之者幼習舉子業
精工帖括有龍山耦集一編予枕籍而沉醉之久矣
其所著詩歌古文則追蹤王孟方駕歐韓弘詞博學
居然一代著作手也聖公聞余言而神莊久之以見
梅谿文集 阮序

其文未識其人爲恨其傾倒于先生者至矣余與先
生契濶有年于先生近作未窺全豹今來皖得讀梅
谿文集其中有明道者有序事者有尚論古人推見
至隱者有談忠孝廉節慷慨悲歌者有撫時見志倘
徉山水自寫性靈者要之文家立說不同而立體尤
各有異今人漫然操筆自謂能文究之體裁莫辨吾
不知其文爲何如也先生之文諸體畢備脫胎先秦
出入兩漢雄邁蒼勁渾灝淋漓真所云光芒萬丈也
嗟乎文至此可以傳矣余也碌碌勞人于山見太岱

之高于水見黃河之大且漢于人見當世之名卿碩
彥且以草茅覲天子之光弼鄙冰聖人之澤七載
孔庭視其車服禮器舞佾歌章閱歷亦云多矣而終
不能著一書立一說以發其胸中之見亦何能序先
生之文哉但予與先生自戊子訂交忝附蘭譜者殆
三十年餘先生忘予之不文必欲予數言弁簡余亦
欲藉先生之文獲掛名簡帙中竊附校讐之末以爲
榮幸擬于來秋與家退思公車燕市再止闕里以先
生此集致之聖公見予言之不謬因略書梗槩先生
梅谿文集 三 序

眷小弟阮璽頓首拜撰

其以予爲知言否昔康熙庚申嘉平下浣年家同學

序

梅谿文集者吾友方子百二之所譔著也方子以詩
古文雄長蘇苑者有年逮老益好學不倦棄明經弗
仕伏處巖巖窮經著書以自娛其親故好義者相與
謀授諸梓公之海內予與方子交亦有年先是予以
事至皖上方子懷其孔門出妻辨昧予予袖之而歸
顧語子弟曰方先生此文不獨晰疑辨惑爲尼父功
臣其筆力劍拔弩張辨才無碍亦古大家桐葉怪竹
之儔也已而剞劂垂竣方子函其副本不遠百餘里

梅谿文集

三 序

走一介而屬爲之序夫文者載道之器未有道不足
而能優于文者也韓文公謂聖人之道不用文則已
用則必尚其能者能自樹立不因循者是也歐陽文
忠謂聖人之文雖不可及然大抵道勝者文不難而
自至由二公之言觀之學者之不能離道以爲文也
明矣今方子之文有序有傳記有論辨有書有說其
爲體不一而皆足以明道其大者如日月之麗于天
江河之行于地使人不能掩蔽而遏塞其小者亦如
河圖天球之列于東序朱絃清瑟之鼓于廟中非復

耳目恒翫而予所尤服膺者論辨之文風發泉涌刺
斷羣疑如身遭古人之時處古人之地親見古人之
言論行事而爲之折衷以歸于是不苟雷同亦不事
穿鑿而能推倒一世之智勇開拓萬古之心胃此非
見道之真卓然不惑于流俗者未易幾也今之爲文
者輒謂道自道文自文判而爲二不過點竄字句
爲好文辭而止其立言之指固已卑卑不足數故爲
文愈工而去道愈遠此何異身入溷廁猶指爲丹樓
玉堂不已慎乎若方子之文道勝者也能自樹立不

梅谿文集

序

二

因循者也使生于韓歐之日必將與李翱張籍穆伯
長蘓子美之流並起而倡明古學聲施不朽何也韓
歐之文其傳于今者傳其道耳道傳斯文與之俱傳
然則文患不合于道耳方子之文合于道其必傳于
後無疑也予故書此以復方子並以告天下後世之
爲文者無離道而言文焉則庶幾矣龍眠同學弟潘
江拜頌

序

余曩者烟霞錮疾自分泉石老矣舅氏方公百二不
以余之不文誘之掖之幾歷寒暑風雨對牀其淡相
磨切者惟以三不朽爲期志不在尊官厚祿間也吾
舅生平賦一具清剛之骨卓然秉道不肯隨時俯仰
而嗜古博學其入股制義悉從先秦兩漢中出世入
欽其實莫名其器以致庸流按劍終老布衣豈不悲
哉歲丁酉余倖鹵莽逢年而舅氏鍛羽歸卽以壯歲
勇棄制舉稅不談而匣中所著皆天人理數之微言

梅谿文集

任序

一

古今興亡之偉論嘗以錢如意擊唾壺高吟朗唱于
蕭然環堵中余曰此吾舅氏不朽之大業也豈人世
一日之科名富貴可繫其短長者哉余甲寅承乏洵
河牛馬風塵日淪苦海近益以地震重災惶惶夙夜
因書報舅氏曰夙甘淪棄匪緣鞭撻馳驟名場則今
日猶得從閒閒十畝中奉几捧杖以侍名山之著述
豈非極樂而今若此舅氏誤余矣乃舅氏不以余言
爲戚而三千里外猶以生平著作命選訂于草草之
勞人蓋余子夾鑿歸述近狀之無人民無錢穀無政

郭宮室一望白葦黃茅蕭蕭長令如寒士如寒人且聞余之寄懷于詩託興于酒而莫余困也爰寄語曰吾甥大耐官職油然自得于天人之際詩酒餘閒可以讀書可以論世矣一編蓬質嘉我清風毋忘蘭閣夜讀時也乃適值繕修 輦道之後諸臺泣止勞吏挾掌兼晝閱夜卒無片晷得親筆墨以揚厲大文之美善僅得于馬上繙閱數過其曾經熟復者如逢故友才經寓目者如締新交灑然有牛背讀漢書之樂而頓忘其疲憊也美哉足以傳矣及再四思維覺時

悔齋文集

任序

二

昔之微言偉論何以多逸篇端豈造物忌才草堂劫火竟噓之而盡耶抑秘之不盡傳耶亦又可悲矣因思空同先生爲一代作手其甥曹君仲禮賞刻先生全集而請序于浚川子王公以行于世誼至渥已吾舅氏著作等身今且筆歌墨舞垂老不倦茲集之行猶崑山片玉耳余之不肯終愧曹君者請俟之異日可乎康熙庚申歲嘉平之朔同會愚外甥任塾頓首拜序

序

嘗謂士君子讀書行道或隔絕數百年迢遞數千里已判然不相侔矣而精神相會意氣相孚如聚首同堂抵掌上下者未可以跡求也乃有山水可以益精神忠孝可以鼓意氣而偶然乎會于一朝此豈數百年數千里所可隔絕迢遞者哉僕自丙午歲隨家大人觀察來皖上年纔弱冠呼晤一室初不知皖之山水人物也一日家大人公餘集客焚香啜茗客曰此清冽而甘者其金山第一泉乎大人曰否卽此地之

悔齋文集

終序

讓泉也愛其味清而名美也時有言皖治龍山空靈秀拔者他日家大人春蒐偶及歸語僕曰踞龍山之勝者其雨蒼亭乎僕始知皖之有讓泉有雨蒼亭也嗣後病足困頓兩載始瘳一日放情郊原訪讓泉玉泉池之西谷冷山荒人踪絕少愀然有餘憾焉若雨蒼亭則地維^峰各聳其後石門^湖各繞其前千巖萬壑鬱乎蒼蒼龍翔鳳舉不可名狀然亦距城三十里罕有到者是皆未歷其地已先飲其水耳其勝想見其幽淡奧渺而得之一旦者也又嘗步江清間雉堞掩映

樹木蕭疏孤墳突兀于頽垣中顏其門曰忠臣墓詢之閭閻多不知稽之視乘蓋元太守韓公公懋與余公忠宜同事死難者唐人共稱張許元何以不并頌余韓此則未歷其地未耳其名既歷其地而感慨其人者也及訪六皖諸名宿因得方梅谿先生古文而讀之且聞先生嗽石枕流不通俗謁而屢命鍵關亦未敢徑投解刺此則既歷其地卽知其文雖知其文而卒不能見其人者也每思關揚幽烈標榜名勝并締交先生乃因甲寅之變家大人承乏江撫一

梅谿文集

終序

二

葉上流遂中止焉前年家大人被放歸田復來皖上僕始得與梅谿先生交先生名場尊宿胸富古今鸞鵲雪夜每以三事湮沒見商我心實獲且欲萃才人高士詩古文詞以傳不朽吁僕與先生之精神意氣所孚會於山水忠孝者何如也先生皓首牖下棄明經不就甘貧家食嗜古好學傳曰欲誠其意者先致其知從來閱歷深則處心厚守爲矩矱發爲光華又何讀書行道之不極其暢美乎適先生以文集囑僕小僕卽此爲言者以文之博大昌明高華雄邁諸鉅

公敘之詳矣不敢贅也異日也江水雲山相對忘年樂飢于讓泉之上棲遲于地維石門之間春草夕陽憑今弔古掀髯長嘯慟哭捫膺僕固無家者行將歸老此鄉矣且僕年來蕭索百端計窮負米睚眦橫逆茶苦如飴先生閱歷深而處心厚僕也不材或庶幾乎先生當不吝許我也康熙辛酉仲春遼陽年家眷小弟佟世思頓首拜撰

梅谿文集

終序

三

清代詩文集彙編

自序

文者貫道之器也聖人之道足窮天地民物之理而儒者之言必求近乎聖人之道斯言者無罪而聞之者足以法文中子曰言文而不及理是天下無文也信哉余小子以江左一陋儒習高曾規矩幼學時卽思振拔于流俗以文章自見而數奇淪落歸老青山追念少時文字旣燬于乙酉之兵燹而辛亥冬草堂告災壯歲經營復成灰燼矣半生心血十亾八九筆塚徒存墨藩何在能不悲哉數年以來兒子供搆討

梅谿文集

自序

于親知篋笥近或興會偶至間託楮墨以破窮愁因得文若干首帙而存之愛我者曰先生文兩經劫火而猶不思所以存高文放失吾黨之憂也應謀梓之乃諸君子茹嗜余文錫以玄晏之筆嗟乎余何文章裁僞體去陳言憂憂乎求近于聖人之道而未有述也且小齋自銘有臣壯不如今况老身將隱矣焉用文之句今乃以諸君子鞭逼頓易風懷其爲愧惡不旣多乎方都泰自序

梅谿文集 目錄

卷一

論

禪虞論

封象論

郊縣論

周禮論

王婚論

鄧攸論

梅谿文集

目錄

剪髮論

詩史論

迷非論

族譜論

貞女論

倍師論

酒論

記

放雀記

龍山耦集自記

遊西湖記

遊雨蒼亭記

黃玄味公墓碑記

卷二

辯

孔門出妻辯

蘭亭序真蹟辯

序

梅谿文集

目錄

二

介眉初集後序

鈍齋二集序

菊江亭唱和詩序

逸園方書序

古文況序

益社序

寄妹詩序

梅湖詩序

文起堂詩序

梧邨律陶詩序

山人律陶詩序

杏花閣詩序

雙梧閣詩序

卷三

傳

任中墩公傳

王雪肝先生傳

阮韜甫先生傳

梅谿文集

目錄

三

中丞李公傳

操撫蔣公傳

郡伯張公傳

邑侯賈公傳

驃騎熊公傳

郡伯姚公傳

韓維熊先生傳

阮一衲傳

季弟周士傳

韓姨母孀烈傳

長姊任太宜人傳

烈義婦合傳

祭文

祭爾器兄文

祭阮蘆峰文

祭汪平子文

祭段將軍文

祭黃鶴岡先生文

梅谿文集

目錄

四

祭孫太淑人文

先

祭長姊任太宜人文

祭陳妹文

祭程太母文

祭馬孺人文

卷四

賦

歸谿賦

黃鶴樓賦

書

東何大言書

寄阮蘆峰書

上郡伯姚公書

東汪竹巖書

與朱圓儀書

寄馬溪兄書

寄阮巖公書

與家樓閣書

梅谿文集

目錄

五

說

賣字說

賣字後說

谷僅齋號說

兒姪字說

沈錫字說

卷五

序

貞觀政要序

帝棠集序

雙孝祠序

記

重建安慶府學記

改建啓聖祠碑記

雨蒼亭記

李公生祠碑記

城隍廟碑記

卷六代

梅谿文集

目錄

六

壽序

韓峙三先生八十壽序

黃鶴岡先生七十壽序

崔邑侯壽序

姚郡伯太母七十壽序

劉母七十壽序

任太宜人七十壽序

劉母八十壽序

詹母九十壽序

祭文

祭盧爾琛文

祭黃孺人文

祭任太宜人文

祭張太夫人文

門人

范 瓖西漢甫

黃甲高仲陟甫

全訂

梅谿文集

目錄

七

戴 鏞元音甫

黃甲新開一甫

全校

韓 駁緯房甫

劉起鳳樸安甫

饒小歐甫

姪 位定矣甫全參

僅永懷甫

男 佚育旃甫編輯

梅谿文集 卷一

皖江方都秦百二甫著

禪虞論

帝王與子之事不肇自禹而始于炎黃之世使堯以天下傳朱亦祇行祖宗之家法耳丹朱雖不肖亦未必有大失德如後世之顛覆典型者一尹可以相甲豈在廷諸賢聖不可以佐朱乎堯蓋見當日之天下非中材之主可得而治也思治天而天不能遽成七政之齊尚俟之殘衡既在之後思治地而地不能即平微司空之命山川可遽莫乎思治人而人不能盡理十六族之才于世濟其美而未之舉也四族不才之子日在高位而未之去也是時神器之重微特歸訟之胤莫克負荷卽兩弟雖賢而一教稼一明倫其德與才稱是止耳乃瞻顧在廷師濟之衆更無一人能出有錄之上者而如天之仁又祇以安天下爲心絕無後世天子自利其家之意遂不難違祖宗之法以軒轅少昊數傳垂拱之天下一旦奪之于兄而不以爲嫌讓之畎畝之匹夫而不以爲創其懽忻愛慕

梅谿文集

卷一論

一

梅谿文集

卷一論

二

有悉出于誠然者是豈不得已之事哉而後之論者日使堯之丹朱舜之商均僅可以守天下則堯必不傳之舜舜必不傳之禹亦何其昧當日之重輕而淺之乎言聖人也卽如舉楓諫齒孫明復曾子固以爲堯故畱之以俟舜謂匹夫受禪必著其功德于天下者然則大聖人之用心亦與後世之權謀厭衆者等耳亦豈通論哉

封象論

舜○侯○象○于○有○庠○者○聖○人○之○愛○弟○也○使○吏○治○國○而○不○得○
暴○于○有○庠○者○聖○人○之○愛○民○也○抑○知○愛○民○乃○所○以○成○其○
愛○弟○者○乎○象○之○桀○傲○而○思○以○殺○舜○舜○于○時○爲○都○君○天○
子○之○命○吏○也○象○不○知○有○兄○不○知○有○帝○而○何○有○于○民○今○
且○爲○天○子○之○介○弟○矣○悍○然○而○爲○暴○于○有○庠○者○勢○所○必○
至○也○向○以○父○之○命○而○殺○兄○則○兄○猶○可○以○貸○弟○今○以○天○
子○之○勢○毒○民○則○天○子○必○不○可○以○貸○侯○民○危○而○象○不○能○
獨○全○者○法○也○舜○不○能○屈○法○而○貸○象○是○舜○之○以○國○殺○象○
也○後○世○好○雄○之○口○必○有○比○舜○于○莊○公○之○處○叔○段○者○矣○
惟○禁○之○使○不○得○有○爲○終○其○身○有○布○衣○昆○弟○之○懼○而○不○
陷○王○室○胥○戕○之○禍○者○此○固○大○聖○之○天○懷○而○亦○英○雄○之○
幹○略○也○苟○其○不○然○則○周○公○之○于○管○蔡○可○鑒○已○使○當○日○
周○公○亦○處○管○蔡○于○無○爲○之○地○則○武○庚○可○以○不○叛○而○二○
叔○可○以○不○誅○至○于○戮○勝○國○之○曹○而○殺○同○氣○之○人○憂○傷○
慘○澹○豈○聖○人○得○意○之○功○名○也○哉○是○舜○之○所○以○處○象○者○
加○于○周○公○一○等○矣○雖○然○象○之○暴○形○于○未○封○有○庠○之○先○
管○蔡○之○兇○成○于○既○監○武○庚○之○後○舜○忍○料○弟○而○公○不○忍○

梅谿文集

卷一論

三

料○兄○也○則○又○兩○聖○人○之○異○地○皆○然○者○也○

梅谿文集

卷一論

四

郊縣論

殺人之父而與其子以天下者聖人之公也受人之天下而忘其父之被殺者必非聖人之心也先儒謂無罪之父見殺于無道之君則不敢以義掩親有罪之父見誅于有道之君則不敢以親賊義其論似已而吾以爲禹之心必不忍謂其父之以罪誅也夫三代世及而唐虞繼統舜既宗堯禹何以不宗舜舜不郊禘而禹何以郊縣嗟乎此可以識禹之心矣從來

梅谿文集

卷一論

五

之年素無閱歷一旦奠高山大川悉如其經營區畫者未必不因適父之成勞也當日天子若深念此事艱難而假之以年助之以子則禹且歸善于親平成之積餘實底之乃九載弗成遠有羽闕之痛雖服于天子之至公而不敢怨而願欲宗之祀之以致孝享之忱于剗刃吾父之人此則聖人之心所不忍出也至于配位南郊特大其崇報之典以上慰幽悃而必不忍謂其親之以罪誅也謂其親之以罪誅而顧以之配天也則喪天甚矣聖人敢乎哉若夫飲食之非

梅谿文集

卷一論

六

衣服之惡宮室之卑此則孝子之心笑笑在疚終其身跼天蹐地而無晏然之一日也受天子之位以繼道統不敢違天命也辭天子之福以補孝思不敢缺人道也此孔子之所以無間然也後世之充斯義以處斯遇者三微七辟之不就而淚枯墓木者爲得其正矣甚至伍員之鞭撻君徐元慶之殺命吏事雖近逆君子猶不敢以爲非而何取乎蕩陰之血也嘉稽紹之忠而略其忘父事讎之失者則誠禹之罪人矣

周禮論

漢武帝時河間獻王購求海內遺書而周禮五篇始出于民間李氏後世之讀其書者疑信參半焉余初讀而肅然信之以爲此聖人之書也既而疑其任官之太多也取民之太盡也行罰之太嚴也立制之太繁也大典之或畧也卽以一鄉之官論之下士得二千五百人焉中士得五百人焉上士得一百二十五人焉下大夫得二十五人焉中大夫得五人焉卿得五人焉是一鄉之官凡三千一百五十六人合六鄉

梅谿文集

卷一論

七

而任一萬八千九百三十六人其六遂之官稱是至都鄙居制雖脫簡未載而攷其圖地猶倍鄉遂焉其設官也亦當不下數萬矣無論官多則民擾而采地之所出恐亦不足以贍數萬人之冗食也唐開元間倣周禮以六典設官內官至二千五百有奇外郡縣官至九千九百有奇議者多疵其繁複以爲官冗莫盛于唐而抑知有數倍于唐者在作法之先也九賦九貢所以共九式之用也朝廷大小經費無一不取之民間而取之太盡則聖人必有所不忍卽以鄉遂

之貢法言之農圃賈牧任土作貢宜已至于工捺木作喜其非游手也而乃以器物貢嬪任蠶織樂其勤女事也而乃以布帛貢山農澤農穀粟有常徵矣而其川奠其野牲齒角骨物羽翮炭蜃之屬締絡草貢之材莫不于山澤是問焉師田行役咸有力徵矣乃公旬定以三日三冬之農隙幾何而一夫之力于公者遂二十七日也則取之民者不亦盡乎罰弗及嗣舜之仁也罪人下孥文之德也乃秋官有司厲牧奴之罰男子入于罪隸女子入于春臺若夫死刑之至

梅谿文集

卷一論

八

于大辟亦已至矣而搏之而焚之而辜之至司救之罰表惡者耻諸嘉石役諸司空固已而過失者亦三罰而歸于園土揆以後王除肉刑禁笞背之心不幾用罰之太嚴與帝王之制立綱陳紀舉其大者而已如醬醢醢鹽之屬于天官猶曰備膳羞之用也牛羊鷄犬之屬于春官猶曰專饗祀之役也若夫去龜鼃除水蟲畜猛鳥猛獸之各有專官何不厭其詳也以一鄉之制論之五家而置一下士曰比長二十五家而置一中士曰閭胥夫二十五家之爲人爲地曾幾

何而置六士于其間且胥則掌釐捷而長又以奇表
相及爲糾此大士者使稍一如後世之武健則二十
五家之內日惴惴其靡寧矣况乎族師黨正州長卿
大夫之遞嚴其上也且如民間婚媾不過程以法禁
使民無犯而已乃子女之生三月卽書年月日各于
媒氏之官以聽稽察嫁娶而判妻入子皆籍焉何紛
然其擾也立制不太繁與周公抗世子之法于伯禽
則教胥之典所應首著者也乃大司徒之所掌固子
有教卿士大夫之士庶子有教鄉遂之民有教而世
梅銘文集 卷一論 九

子無一及焉且祀天用牲大典也周公至洛營新邑
越三日丁巳用牲于郊牛二是郊之用牛公已行之
洛矣况記之言爾栗春秋之下郊牛皆遵周之舊者
也而何以昊天上帝有禋祀而無牛牲諸如此類得
毋大典之或略與至一切朝儀祀典井田軍制經緯
爛如者亦能採古帝王明法舊制而惜乎間以管商
刑名雜伯之術後世得其人而善用之王而不足伯
而有餘不得其人而用之則新莽焚身安石病國其
何望矣或者曰是書也劉歆以爲周公治天下之迹

也馬氏鄭氏皆通儒而注之疏之文中子抱書而嘆
以爲如有用我執此以往卽考亭亦服膺其制而以
爲周公天理爛熟之書子何傳會杜何蘓胡吳金諸
子之論而爲是言乎余曰余非敢傳會諸子以病周
公也病其竊周公而誣焉者也此殆漢世儒者好古
文通經術而不得志于時者之所爲也是時董子以
正學彌儒宗卽賈誼公孫弘司馬相如之流亦各以
文章見而惜乎爲此者之不傳獻王博學而好名思
得古禮樂獻之天子其懸千金購冬官可鑒已而茲

梅銘文集 卷一論 十
卒落無聞之士自恨其文章經濟不得見用于當時
遂不難出一日之匠心以邀不貲之獲而非假托于
聖賢之口臆又無以信世而驚愚劉炫之撰述山張
天覺之撰三墳皆祖此意者也然後臆斷之曰此非
周公之書也嗟乎儒者讀唐虞三代之書惟折衷于
孔子斯定論矣使是書之果出于周公也則昭代弘
謨煌煌巨典自應掌之王朝頒之邦國以誦習于天
下士大夫之口乃夢寐周公如我夫子卒不得讀是
書于宗國而問官于鄉子同禮于老聃問樂于萇弘